



Broj: 01-144/17
Vareš, 28.06. 2017. godine

Z A P I S N I K
s 7. sjednice Općinskog vijeća Vareš,
održane 26.05. 2017. godine

Kenan Kamenjaš – predsjedavajući Općinskog vijeća Vareš, otvorio je 7. sjednicu s početkom u 14,00 sati, u velikoj sali Općine Vareš.

Predsjedavajući OV Kenan Kamenjaš pozvao je gosp. Igora Šimić da pristupi davanju Svečane izjave, kao vijećnik OV Vareš.

Nakon davanja Svečane izjave, Igor Šimić je potpisao Izjavu.

Izvršena je prozivka vijećnika.

Prisutni vijećnici: Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Demo, Marošević Mario, Mirčić Mario, Muftić Safeta, Muftić Anel, Mušanović Nedžad, Ridić Kruno, Romić Branko, Rožajac Elvir, Šimić Igor i Turki Fadila.

Odsutni: Šimić Nikola.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, šef kabineta općinskog načelnika – gosp. Ibrahim Spahić, pomoćnici općinskog načelnika – gosp. Ermin Musa, gosp. Čedomir Jelić, Rusmir Berberović, direktor i predsjednik Upravnog Odbora JU Dom zdravlja Vareš – gosp. Fikret Operta i gosp. Adis Hrvat, direktorica i predsjednik Skupštine JP „Vareš-stan d.o.o. Vareš – gosp. Željka Petrović i gosp. Senad Dramalija, direktor JP Veterinarska stanica d.o.o. Vareš – gosp. Suljo Abadžija, ministar gosp. - Fahrudin Brkić, gosp. Mahira Brkić ispred ŠPD d.o.o. Zavidovići, gosp. Izudin Muftić, predsjednici političkih partija i predstavnici medija.

Sekretar OV Leon Pavlović izvijestio je Vijeće o realizaciji Zaključaka i odgovorima na postavljena vijećnička pitanja sa 6. sjednice OV održane 27.04. 2017. godine. Na 6. sjednici OV donesena su tri (3) zaključka koja su i realizovana. Postavljeno je četrnaest (14) vijećničkih pitanja. Na jedno (1) pitanje podnosilac je dobio pismeni odgovor i na trinaest (13) pitanja Općinski načelnik je dao usmene odgovore na samoj sjednici.

Općinski načelnik Zdravko Marošević u okviru aktuelne problematike na području općine Vareš za današnju sjednicu u svom obraćanju izvijestio je prisutne da je zbog vremenskih uslova otežano održavanje putne komunikacije i da će se u narednom periodu pristupiti adekvatnoj sanaciji lokalnih puteva i gradskih dionica. Također je upoznao prisutne

o redovnim aktivnostima koje se odnose na uređenje i čišćenje grada, pregovorima sa potencijalnim investitorima na području općine Vareš, (prodaja zemljišta u MZ Ravne za izgradnju zabavnog parka, prodaja objekta „Doli“, dr.), aktivnostima i pozitivnim rezultatima u svom radu udruženja građana sa područja općine Vareš. Općinski načelnik izvijestio je prisutne o aktivnostima koji se odnose na rješavanje problema odlaganja otpada općine Breza.

(Vijećnička pitanja)

Kruno Ridić

1. Pitanje uputio načelniku: Da li ima nekih novih saznanja vezanih za Radnički dom i njegovu obnovu, i da li ima saznanja za „Partizan“ i njegovu obnovu?
2. Pitanje uputio predsjedavajućem OV: Postoji li mogućnost da se u naredni mjesec dana Klubu vijećnika DF-a dostavi pismena informacija o inicijativi, koja se odnosi na uvođenje javnih registara? (o postavljenom pitanju dao je dodatno obrazloženje)

Demo Kevrić

3. Kada će se izvršiti nabavka potrebnih kanalizacionih cijevi za MZ Striježevo jer su tamo kanali prokopani, dolazi do zatrpavanja istih kanala, njive su oštećene i ljudi čekaju da se dio te kanalizacione mreže završi?
4. Kada će se sanirati svi lokalni makadamski putevi na području općine Vareš, i kada će se urediti dionica lokalnog puta Striježevo-Kokošćići? (o postavljenom pitanju dao je dodatno obrazloženje)

Alma Kamenjaš

5. Na regionalnom putu R44 Dabravine-Vareš dolazi do stalnog prekoračenja brzine, tako da je neophodno da se ispred Osnovne škole u Dabravinama postave prinudni usporivači vožnje tj.ležeći policajci. Također, u MZ Dabravine problem predstavlja i nedostatak trotoara na relaciji Hodžići-Dabravine kako bi se mještani mogli bezbjedno kretati, a posebno djeca koja svaki dan idu u školu.
6. Primjetno je da građani Dabravina nemaju osjećaja za ekologiju te formiraju mini deponije smeća na više lokaliteta uz korito rijeke Stavnje.

Da li se mogu obilježiti ova područja, uz aktivniju ulogu nadležne službe i eko policije?

Mirnes Ajanović

7. Pitanje uputio načelniku: Dokle se stiglo sa rješavanjem problema koji se odnosi na tajkunske upade stoke sa područja općine Kakanj u MZ-u Planinica i Slavin? (o postavljenom pitanju dao je dodatno obrazloženje)
8. Kada će se riješiti problem koji se odnosi na deponiju smeća na lokalitetu prema Brezi?

Dženan Džafo

9. Da li je moguće raditi na dugoročnoj realizaciji problema obrušavanja kamena na lokalnom putu Pajtov Han-Budoželje,tj.postavljanje čelične mreže i barijere koje bi ovaj problem rješile u cjelosti i na ovaj način stavili tačku na problem koji je već duži vremenski period prisutan na pomenutoj dionici? (o postavljenom pitanju dao je dodatno obrazloženje).
10. Kada će početi isplata naknada za štete koje je prošle godine uzrokovao grad u MZ Budoželje i MZ Stupni Do i da li je moguće da se na stranici Općine postave informacije koje se odnose na isplatu istih?

Adis Čizmo

11. Pitanje uputio nadležnim službama: Da li nadležna služba može riješiti problem parkiranja motornih vozila na košarkaškom igralištu ispred osnovne škole u Varešu, jer su sportisti na dopis koji su uputili Policijskoj stanici Vareš, dobili odgovor da je parkiranje na ovom igralištu dozvoljeno? (o postavljenom pitanju dao je dodatno obrazloženje)
12. Pitanje uputio nadležnim službama: Da li nadležne službe mogu uputiti dopis “JKP Vareš“, čiji će se sadržaj odnositi na nanošenje novog sloja pijeska na dječije igralište? (o postavljenom pitanju dao je dodatno obrazloženje)

Safeta Muftić

13. U čijoj je nadležnosti da zabrani kršenje niske borove šume u ulici Zukići? (o postavljenom pitanju dala je dodatno obrazloženje)
14. Pitanje uputila načelniku: Zašto se mijenjala prvobitna lista ugroženih od poplava 2014.godine, koja je bila sastavni dio Odluke o odabiru korisnika za dodjelu novčanih sredstava za sanaciju i izgradnju stambenih objekata koji su stradali usljed prirodne nesreće 2014.godine, a koju je 2014.godine utvrdila Komisija za provođenje javnih konkursa? (o postavljenom pitanju dala je dodatno obrazloženje)

Branko Romić

15. Pitanje uputio načelniku: U kojem periodu možemo dobiti spisak novouposlenih u Općinskom organu uprave i svim javnim ustanovama čiji je osnivač Općina Vareš, u periodu od početka mandata načelnika pa sve do danas? (o postavljenom pitanju dao je dodatno obrazloženje)
16. Pitanje uputio načelniku: Da li je prilikom Vaše primopredaje izvršen uvid u sve donacije od drugih nivoa vlasti i utrošak tih sredstava? (o postavljenom pitanju dao je dodatno obrazloženje)

Elvir Rožajac

17. Zašto se odgađa postavljanje „ležećih policajaca“ u gradu? (o postavljenom pitanju dao je dodatno obrazloženje)
18. Da li postoji mogućnost da se za deset pacijenata sa područja općine Vareš, koji leže u bolnici u Tešnju, omogući ležanje u klinici „Podhrastovi“ u Sarajevu? (o postavljenom pitanju dao je dodatno obrazloženje)

Općinski načelnik dao je usmene odgovore na većinu postavljenih pitanja vijećnika.

Predsjedavajući OV stavio je na raspravu Zapisnik sa 6. sjednice OV.

Vijećnica Fadila Turki izjavila je da je u zapisniku sa 6. sjednice pod tačkom 2. bilo potrebno navesti njeno izlaganje u kome je iznijela svoje mišljenje da doneseno Rješenje (tačka 2. - 6 sjednica OV) nije utemeljeno na zakonu.

Predsjedavajući OV Kenan Kamenjaš izjavio je da na postavljena vijećnička pitanja, Općinski načelnik daje usmene odgovore na samoj sjednici kako bi se i javnost upoznala sa istim. Na osnovu traženja pojedinih vijećnika da se odgovori dostavljaju i pismeno, pozvao je vijećnike da se donese zajednički stav o načinu davanja odgovora na postavljena vijećnička pitanja.

Sekretar OV Leon Pavlović u svom obraćanju, a na osnovu diskusije vijećnice Fadile Turki, skrenuo je pažnju na član 88. Poslovnika o radu OV i izjavio da se zapisnici sa sjednica Vijeća rade u skladu sa Poslovníkom o radu i da u skladu sa odredbama istog, vijećnici mogu tražiti izvod iz zapisnika u kome će biti navedeno njihovo izlaganje po pojedinim tačkama dnevnog reda. Na osnovu iznesene primjedbe vijećnika Đeme Kevrić izjavio je da će se ubuduće dostavljati odgovor u pismenoj formi kao što se dostavljaju svi odgovori uz poziv za Kolegij OV.

Predsjedavajući OV stavio je na izjašnjanje Zapisnik sa 6. sjednice OV i nakon izjašnjanja vijećnika konstatuje da je **jednoglasno sa (18 glasova „ZA“)** usvojen **Zapisnik sa 6. sjednice OV.**

Predsjedavajući OV stavio je na raspravu prijedlog dnevnog reda za 7. sjednicu OV koji je usaglašen na Kolegiju Općinskog vijeća.

Ispred ovlaštenog predlagача Ermin Musa pomoćnik načelnika predložio je zbog hitnosti dopunu dnevnog reda sa tačkom 3. „Prijedlog Odluke o načinu i uslovima raspolaganja nekretninama – javne prodaje izgrađenog građevinskog zemljišta.“, a ostale tačke da se pomjere za jedno mjesto naprijed. O istom je dao pojašnjenje.

Vijećnik Elvir Rožajac zamolio je da izvještaje javnih preduzeća i javne ustanove, koji su na dnevnom redu današnje sjednice, Vijeće razmatra kao prve tačke. O istom je dao pojašnjenje.

Predsjedavajući OV stavio je na izjašnjavanje prijedlog dopune dnevnog reda današnje sjednice sa tačkom 3. „Prijedlog Odluke o načinu i uslovima raspolaganja nekretninama – javne prodaje izgrađenog građevinskog zemljišta.“

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“)** usvojena dopuna dnevnog reda 7. sjednice.

Predsjedavajući OV predložio je da Vijeće razmatra izvještaje javnih preduzeća i javne ustanove kao prve tačke bez mijenjanja dnevnog reda. Prijedlog je prihvaćen.

Predsjedavajući OV stavio je na izjašnjavanje prijedlog dnevnog reda za 7. sjednicu OV sa prihvaćenom dopunom sa tačkom 3.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“)** usvojen **sljedeći**

D n e v n i r e d :

1. Izvještaj o rezultatima izbora za članove Savjeta mjesnih zajednica sa područja općine Vareš.
 - Izvjestilac: Čedomir Jelić.

2. Prijedlog Odluke o potvrđivanju rezultata izbora za članove Savjeta mjesnih zajednica sa područja općine Vareš
 - Izvjestilac: Čedomir Jelić.

3. Prijedlog Odluke o načinu i uslovima raspolaganja nekretninama – javne prodaje izgrađenog građevinskog zemljišta
 - Izvjestilac: Ermin Musa

4. Prijedlog Rješenja o imenovanju Komisije za sprovođenje javnog konkursa za raspolaganje nekretninama u vlasništvu Općine Vareš.
 - Izvjestilac: Ermin Musa

5. Prijedlog Rješenja o prestanku prava upravljanja i posjeda samoupravnoj interesnoj zajednici za komunalnu i stambenu oblast Vareš.
 - Izvjestilac: Ermin Musa

6. Izvještaj o radu JU Dom zdravlja Vareš za 2016. godinu.
 - Izvjestilac: Predsjednik Upravnog odbora i direktor javne ustanove.
7. Izvještaj o radu i finansijskom poslovanju JP „Vareš – stan „d.o.o. Vareš za 2016. godinu.
 - Izvjestilac: Predsjednik Skupštine i direktor javnog preduzeća.
8. Izvještaj o radu JP Veterinarske stanice d.o.o. Vareš za period od 01.01.-31.12.2016. godine.
 - Izvjestilac: Predsjednik Skupštine i direktor javnog preduzeća.
9. Izvještaj o realizaciji Odluke općinskog fonda za vatrogastvo u 2016. godini.
 - Izvjestilac: Rusmir Berberović.
10. Informacija o ostvarenim prihodima u 2016. godini po osnovu Odluka Općinskog vijeća Vareš.
 - Izvjestilac: Ermin Musa.
11. Informacija o realizaciji Ugovora o koncesijama za 2016. godinu.
 - Izvjestilac: Ermin Musa
12. Informacija o provođenju Vansudske nagodbe, Općine Vareš i Zeničko –dobojskog kantona, o načinu izmirenja obaveza po osnovu Zakona o šumama Federacije BiH.
 - Izvjestilac: Ermin Musa
13. Informacija o stanju opremljenosti Profesionalne vatrogasne jedinice Općine Vareš.
 - Izvjestilac: Rusmir Berberović.
14. Tekuća pitanja

Ad. 6.

(Izvještaj o radu JU Dom zdravlja Vareš za 2016. godinu.)

Otvorena je rasprava u kojoj su svoje stavove, prijedloge, primjedbe, sugestije i mišljenja iznijeli vijećnici: Kruno Riđić, Fadila Turki, Branko Romić, Đemo Kevrić (*predložio je zaključak da se po svim terenskim ambulantom obilazak vrši dva puta mjesečno i da se u Izvještaju za 2017. godinu daju kraća obrazloženja, odnosno stanje opremljenosti terenskih ambulanti i stanje utroška sredstava*) i Safeta Muftić.

Za riječ se javio Općinski načelnik i u svom obraćanju iznio mišljenje na osnovu diskusije vijećnika u raspravi koja se odnosila na određene primjedbe i sugestije u vezi opremljenosti terenskih ambulanti i odnosa pojedinih ljekara i medicinskog osoblja prema pacijentima. Naglasio je da prilikom svog obilaska mjesnih zajednica nije imao primjedbi od

strane mještana na opremljenost ambulanti ali da u pojedinim mjesnim zajednicama postoji potreba za sanacijom terenskih ambulanti (Kokošičići, Kadarići, Neprivaj i dr.).

U daljnjoj raspravi su učestvovali vijećnici: Adis Čizmo koji je ispred JU Dom zdravlja Vareš dao dodatno pojašnjenje za ovu tačku dnevnog reda i odgovore na postavljena pitanja vijećnika u raspravi, Fadila Turki i Elvir Rožajac.

Zaključena je rasprava i predsjedavajući OV stavio je na izjašnjavanje Izvještaj o radu JU Dom zdravlja Vareš za 2016. godinu.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) prihvaćen**

Izvještaj o radu JU Dom zdravlja Vareš za 2016. godinu.

Ad. 7.

(Izvještaj o radu i finansijskom poslovanju JP „Vareš-stan“ d.o.o. Vareš za 2016. godinu.)

Otvorena je rasprava u kojoj su svoje stavove, primjedbe i mišljenja iznijeli vijećnici Elvir Rožajac, Mirnes Ajanović i Općinski načelnik Zdravko Marošević koji je u svom izlaganju naglasio da je potrebno raditi na jačanju ovog preduzeća i zapošljavanju radnika zanatske struke kako bi moglo zadovoljiti potrebe na tržištu rada. O istom je dao pojašnjenje.

Za riječ se javila direktorica javnog preduzeća gosp. Željka Petrović koja je u svom obraćanju dala dodatno pojašnjenje za ovu tačku dnevnog reda i izvijestila prisutne o poslovanju preduzeća i problemima sa kojima se preduzeće susreće u svom radu. Dala je odgovore na neka postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjavanje Izvještaj o radu i finansijskom poslovanju JP „Vareš-stan“ d.o.o. Vareš za 2016. godinu.

Nakon izjašnjavanja vijećnika predsjedavajući OV konstatuje da je **sa 14 glasova „ZA“, 1 glasom „PROTIV“ i 3 „SUZDRŽANA“ glasova prihvaćen**

Izvještaj o radu i finansijskom poslovanju JP „Vareš-stan“ d.o.o. Vareš za 2016.

Ad.8.

(Izvještaj o radu JP Veterinarske stanice d.o.o. Vareš za period od 01.01. – 31.12. 2016. godine.)

Otvorena je rasprava u kojoj su svoje stavove, sugestije, prijedloge, pitanja i mišljenja iznijeli vijećnici: Alma Kamenjaš, Mirnes Ajanović, Kruno Ridić i Dženan Džafo.

Za riječ se javio Općinski načelnik Zdravko Marošević koji je u svom obraćanju izjavio da je potrebno u dogledno vrijeme preduzeće tehnički i kadrovski opremiti kako bi se olakšao rad istog i da će Općina Vareš pružiti pomoć u realnim okvirima i realnim potrebama.

Direktor preduzeća gosp. Suljo Abadžija u svom obraćanju dao je dodatno pojašnjenje za ovu tačku dnevnog reda. Skrenuo je pažnju na problem pada broja stočnog fonda na području općine Vareš i da se treba raditi na očuvanju stočnog fonda kroz razne

poticaje za poljoprivrednu, odnosno animalnu proizvodnju. Dao je odgovore na postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjanje Izvještaj o radu JP Veterinarske stanice d.o.o. Vareš za period od 01.01.–31.12. 2016. godine.

Nakon izjašnjanja vijećnika predsjedavajući OV konstatuje **da je jednoglasno sa (17 glasova „ZA“)** (odsutan vijećnik Đemo Kevrić) **prihvaćen**

***Izvještaj o radu JP Veterinarske stanice d.o.o. Vareš
za period od 01.01.-31.12.2016. godine.***

Predsjedavajući OV dao je pauzu u trajanju od 30 minuta.

Nastavljeno je sa radom današnje sjednice.

Ad.1.

*(Izvještaj o rezultatima izbora za članove
savjeta mjesnih zajednica na području općine Vareš.)*

Čedomir Jelić pomoćnik načelnika, ispred Komisije za nadzor nad sprovođenjem izbora za članove savjeta mjesnih zajednica na području općine Vareš dao je dodatno pojašnjenje za ovu tačku dnevnog reda i upoznao Vijeće da su izbori sprovedeni u svim mjesnim zajednicama na području općine Vareš, osim u MZ Vareš, jer iz tri pokušaja nije bilo uslova da se održi zbor građana i da se pristupi izborima. Komisija je nakon sprovedenih izbora razmotrila sve relevantne pokazatelje i zapisnike iz pojedinih mjesnih zajednica i sačinila Izvještaj koji je dostavila Vijeću na razmatranje. Napomenuo je da su prilikom samih izbora ispoštovane sve statutarne odredbe.

Izvijestio je prisutne da je MZ Ravne – Podružnica Zubeta uputila Prigovor u vezi sprovedenih izbora. Također je i MZ Vareš Majdan (grupa građana) uputila Zahtjev za poništenje izbora u istoj mjesnoj zajednici. Komisija za zaštitu ljudskih prava i sloboda, predstavke, pritužbe, prijedloge i jednakopravnost spolova na 1. sjednici održanoj 25.05.2017. godine, razmatrala je gore navedene prigovore i zaključila da ne postoje elementi da se njihovi prigovori prihvate.

Upoznao je prisutne sa prijedlozima Komisije za nadzor nad sprovođenjem izbora u svim mjesnim zajednicama na području općine Vareš koji su navedeni i u Izvještaju i o istim je dao pojašnjenje.

- Komisija predlaže da se ponove izbori za članove Savjeta MZ Dragovoći i da Općinsko vijeće zaključkom zaduži Općinskog načelnika, predsjedavajućeg OV, Komisiju za nadzor nad sprovođenjem izbora za članove savjeta mjesnih zajednica na području općine Vareš i aktuelnog predsjednika MZ Dragovići da u roku od 30 dana od dana donošenja zaključka organizuju i provedu izbore u mjesnoj zajednici Dragovići.
- Komisija predlaže Općinskom vijeću, da Općinskom načelniku da suglasnost za imenovanje povjerenstva i povjerenika u MZ Vareš do izbora savjeta i predsjednika ove mjesne zajednice.

Za riječ se javio Općinski načelnik koji je u svom obraćanju dao osvrt na sprovedene izbore i iznio mišljenje u vezi dostavljenog dopisa novoizabranog Savjeta MZ Dragovići od 26. 05. 2017. godine (dopis dostavljen svim vijećnicima na samoj sjednici OV). Izjavio je da će sve mjesne zajednice koje budu aktivne u svom radu za dobrobit mjesne zajednice, imati punu podršku i pomoć od strane Općine Vareš.

Otvorena je rasprava u kojoj su svoje stavove, primjedbe, prijedloge i mišljenja iznijeli: vijećnik Kruno Riđić (predložio je da se zaduži nadležna služba da u roku od 2 mjeseca krene se sa aktivnostima izmjene statuta), pomoćnik načelnika Čedomir Jelić (dao odgovor i repliku vijećniku Kruni Riđić), vijećnica Safeta Muftić, vijećnik Đemo Kevrić (predložio je da se MZ Dragovići tretira isto kao i ostale mjesne zajednice u kojima su izvršeni izbori, u skladu sa važećim općinskim propisima koji regulišu način izbora u mjesnim zajednicama), Općinski načelnik Zdravko Marošević, (vijećnik Đemo Kevrić replika), Mirnes Ajanović (ispred Kluba SDP predložio je da se priznaju rezultati izbora i volje građana u MZ Dragovići), Općinski načelnik Zdravko Marošević i (vijećnik Kruno Riđić replika).

Predsjedavajući OV u svom obraćanju odgovorio je na neka pitanja vijećnika postavljena u raspravi i diskusije pojedinih vijećnika u vezi sprovedenih izbora u MZ Dragovići i predloženih prijedloga Komisije za nadzor nad provođenjem izbora koji su navedeni u Izvještaju.

Za riječ se javio vijećnik Emir Islamović koji je predložio pauzu u trajanju 5 minuta kako bi klubovi pokušali donijeti zajednički stav po ovoj tački dnevnog reda.

U daljnjoj raspravi su učestvovali: vijećnik Branko Romić, predsjedavajući OV Kenan Kamenjaš, Općinski načelnik Zdravko Marošević, Elvir Rožajac, (vijećnik Mirnes Ajanović replika).

Predsjedavajući OV dao je kratku pauzu u vezi usaglašavanja stavova Klubova po ovoj tački dnevnog reda.

Nastavljeno je sa radom sjednice.

Nije više bilo učesnika u raspravi i predsjedavajući OV stavio je na izjašnjavaње Izvještaj o rezultatima izbora za članove Savjeta mjesnih zajednica na području općine Vareš sa predloženim zaključcima Komisije za nadzor nad sprovođenjem izbora za članove savjeta mjesnih zajednica na području općine Vareš.

Nakon izjašnjavaња vijećnika predsjedavajući OV konstatuje da **sa 9 glasova „ZA“ i 9 glasova „PROTIV“ nije usvojen**

***Izvještaj o rezultatima izbora za članove
savjeta mjesnih zajednica na području općine Vareš.***

Predsjedavajući OV izjavio je da tačku 2. Prijedlog Odluke o potvrđivanju rezultata izbora za članove Savjeta mjesnih zajednica na području općine Vareš, povlači sa dnevnog reda današnje sjednice, zbog neusvajanja tačke 1. Izvještaj o rezultatima izbora za članove Savjeta mesnih zajednica na području općine Vareš.

Za riječ se javio Općinski načelnik Zdravko Marošević koji je iznio svoje mišljenje u vezi nastale situacije i izjavio da ako Vijeće ne usvoji Prijedlog Odluke o potvrđivanju rezultata izbora za članove Savjeta mjesnih zajednica na području općine Vareš, onda izabrani članovi Savjeta i predsjednici mjesnih zajednica nisu legitimni predstavnici.

Pomoćnik načelnika Čedomir Jelić zamolio je Vijeće da se tačka 2. ne povlači sa dnevnog reda uz objašnjenje da tačka 1. i tačka 2. nisu toliko vezane jedna za drugu i da nema nikakvog razloga da se sprovedeni izbori ne potvrde.

Predsjedavajući OV zatražio je da se Vijeće izjasni da li će se voditi rasprava po tački 2. Prijedlog Odluke o potvrđivanju rezultata izbora za članove Savjeta mjesnih zajednica na području općine Vareš.

Nakon izjašnjavanja vijećnika predsjedavajući OV konstatuje da je Vijeće jednoglasno odlučilo da će se tačka 2. razmatrati na današnjoj sjednici.

Ad.2.

(Prijedlog Odluke o potvrđivanju rezultata izbora za članove Savjeta mjesnih zajednica na području općine Vareš.)

Otvorena je rasprava u kojoj su svoja mišljenja i prijedloge iznijeli: vijećnik Đemo Kevrić (skrenuo je pažnju predsjedavajućem na zaključak predstavnika političkih partija koji je u toku pauze bio dogovoren) i predsjedavajući OV Kenan Kamenjaš (izjavio je da nakon pauze rasprava još nije bila zaključena i da se nitko nije javio za učešće u raspravi i izlaganje zaključaka).

Vijećnik Mario Mirčić predložio je izmjene i dopune Prijedloga Odluke: da se potvrde rezultati u MZ Dragovići, odnosno da se u članu 1. u stavu 1. doda i MZ Dragovići, da se doda novi stav 2. u kome bi se navelo da se daje suglasnost Općinskom načelniku da u roku od 15 dana imenuje povjerenika Mjesne zajednice Vareš do izbora Savjeta i predsjednika te mjesne zajednice, u članu 2. da se doda stav 2. u kome će se navesti da dosadašnji i novoizabrani predsjednici savjeta mjesnih zajednica iz člana 1. ve Odluke su dužni u roku od 15 dana izvršiti primopredaju dužnosti.

Vijećnik Kruno Riđić predložio je da Vijeće donese zaključak da predsjednici mjesnih zajednica Vareš i Dragovići kvartalno izvještavaju Općinsko vijeće o svom radu.

Općinski načelnik je na osnovu prijedloga vijećnika Krune Riđić predložio da sve mjesne zajednice na području općine Vareš, Vijeću dostavljaju kvartalno izvještaje. O istom je dao pojašnjenje.

Vijećnik Branko Romić u svom obraćanju zatražio je da predsjedavajući OV još jednom upozna Vijeće o iznesenim prijedlozima u raspravi, o kojima će se Vijeće izjašnjavati.

Predsjedavajući OV ponovio je predložene prijedloge/amandmane na Prijedlog Odluke:

- **U članu 1. u stavu 1. dodaje se i MZ Dragovići,**
- **U članu 1. dodaje se novi stav 2. koji glasi: „Daje se suglasnost Općinskom načelniku da u roku od 15 dana imenuje povjerenika Mjesne zajednice Vareš do izbora Savjeta i predsjednika te mjesne zajednice“**
- **U članu 1. dodaje se stav 3. koji glasi: „Predsjednici mjesnih zajednica iz stava 1. ovog člana dužni su kvartalno izvještavati Općinsko vijeće Vareš o svom radu i radu Savjeta mjesne zajednice“**

(dosadašnji stav 2. postaje stav 4.)

- U članu 2. dodaje se stav 2. koji glasi: „Dosadašnji i novoizabrani predsjednici savjeta mjesnih zajednica iz člana 1. Ove odluke dužni su u roku od 15 dana izvršiti primopredaju dužnosti“

Predsjedavajući OV stavio je na izjašnjavanje Prijedlog Odluke o potvrđivanju rezultata izbora za članove savjeta mjesnih zajednica na području općine Vareš sa usaglašenim amandmanima.

Nakon izjašnjavanja vijećnika predsjedavajući OV konstatuje da je sa **12 glasova „ZA“** i **6 „SUZDRŽANIH“ glasova usvojena**

Odluka o potvrđivanju rezultata izbora za članove Savjeta mjesnih zajednica na području općine Vareš.

Ad.3.

(Prijedlog Odluke o načinu i uslovima raspolaganja nekretninama-javne prodaje izgrađenog građevinskog zemljišta.)

Općinski načelnik Zdravko Marošević dao je dodatno pojašnjenje za ovu tačku dnevnog reda i upoznao prisutne i javnost sa sprovedenim aktivnostima u vezi prodaje objekta „Doli“ i daljnjim radnjama koje je potrebno uraditi kako bi se ispoštovale sve zakonske procedure u vezi prodaje objekta i izgradnji turističko-rekreacionog centra „Doli“.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o načinu i uslovima raspolaganja nekretninama-javne prodaje izgrađenog građevinskog zemljišta.

(Vijećnik Đemo Kevrić iz opravdanih razloga napustio je današnju sjednicu)

Nakon izjašnjavanja vijećnika predsjedavajući OV konstatuje da je jednoglasno **sa (17 glasova „ZA“)** usvojena

Odluka o načinu i uslovima raspolaganja nekretninama-javne prodaje izgrađenog građevinskog zemljišta.

Ad.4.

(Prijedlog Rješenja o imenovanju Komisije za sprovođenje javnog konkursa za raspolaganje nekretninama u vlasništvu Općine Vareš.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Komisije za sprovođenje javnog konkursa za raspolaganje nekretninama u vlasništvu Općine Vareš.

Nakon izjašnjavanja vijećnika predsjedavajući OV konstatuje da je jednoglasno **sa (17 glasova „ZA“)** usvojeno

Rješenje o imenovanju Komisije za sprovođenje javnog konkursa za raspolaganje nekretninama u vlasništvu Općine Vareš.

Ad.5.

(Prijedlog Rješenja o prestanku prava upravljanja i posjeda samoupravnoj interesnoj zajednici za komunalnu i stambenu oblast Vareš.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o prestanku prava upravljanja i posjeda samoupravnoj interesnoj zajednici za komunalnu i stambenu oblast Vareš.

Nakon izjašnjavanja vijećnika predsjedavajući OV konstatuje da je jednoglasno **sa (17 glasova „ZA“) usvojeno**

Rješenje o prestanku prava upravljanja i posjeda samoupravnoj interesnoj zajednici za komunalnu i stambenu oblast Vareš

Ad.9.

(Izveštaj o realizaciji Odluke općinskog fonda za vatrogastvo u 2016. godini.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o realizaciji Odluke općinskog fonda za vatrogastvo u 2016. godini.

Nakon izjašnjavanja vijećnika predsjedavajući OV konstatuje da je jednoglasno **sa (17 glasova „ZA“) usvojen**

Izveštaj o realizaciji Odluke općinskog fonda za vatrogastvo u 2016. godini.

Ad.10.

(Informacija o ostvarenim prihodima u 2016. godini po osnovu Odluka Općinskog vijeća Vareš.)

Nije bilo rasprave po ovoj tački dnevnog reda i predsjedavajući OV konstatuje uz **Zaključak da je Vijeće primilo k znanju**

Informaciju o ostvarenim prihodima u 2016. godini po osnovu Odluka Općinskog vijeća Vareš.

Ad.11.

(Informacija o realizaciji Ugovora o koncesijama za 2016. godinu.)

Nije bilo rasprave po ovoj tački dnevnog reda i predsjedavajući OV konstatuje uz **Zaključak da je Vijeće primilo k znanju**

Informaciju o realizaciji Ugovora o koncesijama za 2016. godinu.

Ad.12.

(Informacija o provođenju Vansudske nagodbe Općine Vareš i Zeničko-dobojskog kantona o načinu izmirenja obaveza po osnovu Zakona o šumama Federacije BiH.)

Za riječ se javio Općinski načelnik i u svom obraćanju zahvalio se nadležnim višim nivoima Vlasti i JP ŠPD d.o.o. Zavidovići na redovnom izmirenju obaveza prema Općini Vareš, a na osnovu Vansudske nagodbe.

Nije više bilo učesnika u raspravi po ovoj tački dnevnog reda i predsjedavajući OV konstatuje uz **Zaključak da je Vijeće primilo k znanju**

Informaciju o provođenju Vansudske nagodbe Općine Vareš i Zeničko-dobojskog kantona o načinu izmirenja obaveza po osnovu Zakona o šumama Federacije BiH

Ad.13.

(Informacija o stanju opremljenosti Profesionalne vatrogasne jedinice Općine Vareš.)

Nije bilo rasprave po ovoj tački dnevnog reda i predsjedavajući OV konstatuje uz **Zaključak da je Vijeće primilo k znanju**

Informaciju o stanju opremljenosti Profesionalne vatrogasne jedinice Općine Vareš.

Ad. 14.

(Tekuća pitanja)

Predsjedavajući OV upoznao je Vijeće sa upućenim dopisima Općinskom vijeću Vareš i to:

1. Dopis za planiranje sredstava za finansiranje nužnih popravki dostavljen od JP „Vareš-stan“ d.o.o Vareš broj: 98/17 od 04.05.2017. godine.

Općinski načelnik u svom obraćanju je izjavio da će biti izdvojena određena sredstva za finansiranje nužnih popravki u skladu sa objektivnim mogućnostima Općine i da će navedena sredstva biti planirana u rebalansu budžeta.

2. Zahtjev za uklanjanje stabla dostavljen od MZ Pogar broj: P-15/17 od 08.05.2017. godine.

U raspravi su učestvovali Općinski načelnik i predsjedavajući OV i dogovoreno je da će u narednom periodu u saradnji sa direktorom Elektrodistribucije i direktorom ŠPD-a Vareš , biti angažovani radnici ovih preduzeća tako da će stablo koje predstavlja problem u MZ Pogar biti uklonjeno.

3. Zahtjev za popravku i sanaciju puta u ulici Tirići-ispod Pruge od 25.05.2017. godine, dostavljen od mještana ulica Tirići i Pruga.

Općinski načelnik u svom obraćanju je izjavio da će se u narednom periodu izvršiti sanacija puta u ulici Tirići, kao i da se isti nije mogao ranije sanirati zbog vremenskih uslova.

Predsjedavajući OV izvjestio je Vijeće da je stranka DF dostavila ogledni primjerak „Budžeta za građane“

U povodu nastupajućeg mjeseca Ramazana, građanima islamske vjeroispovijedi, čestitke su uputili Općinski načelnik, predsjedavajući OV i vijećnici Mario Mirčić i Branko Romić.

Sastavni dio ovog Zapisnika je audio zapis sjednice.
Sjednica je završena u 20,50 sati.

SEKRETAR

Leon Pavlović

***PREDSJEDAVAJUĆI
OPĆINSKOG VIJEĆA***

ZAPISNIČAR

Azra Ibrahimović

Kenan Kamenjaš